

Akugu Ma Dɔgba 'Ba Pɔlo Zi Kanisa Ma TESALONIKA

Pɔlo Ileki Yëë'di

¹ Ze Pɔlo ni ti Silibano ti Timatiyo dugu waraga nime ziye kpe bilaka 'ba kanisa ma mi Tesalonika, kpe ame 'deni ro 'ba 'bu ze Boko'ba ti nɛre ze Yësu Kurisitö ne. Dumötö ye, dititi Boko'ba 'do bo ki'di yëyi ziye kolomake ti mi këyi.

² Dëdi nduwë ro to'do yëë'di zi Boko'ba goye pili. Dolo'bo dë di bi tititi bo 'do tokonyi ye.

³ Do'do yëë'di zi 'bu ze Boko'ba go ame ti'di dɔye go lende abo ki'di ye 'deni kuyike to'do lende ma laka. Yëë'di këdi gbï zi bo go ame to'ɔ roye ro go roye ki'di ye 'deni kogboke roye laka tokonyi roye ro go roye. Do'do yëë'di gbï zi bo go ame ti'di dɔye go tileki 'ba nɛre ze Yësu Kurisitö ki'di ye 'deni këddike ti dökï'di këddi.

⁴ Löndö ze ga, do'do yëë'di zi Boko'ba römöyi dikali 'deni bo ɔ'ɔ ye kigeli ye ro 'ba bo ga.

⁵ Dikali a nime 'deni römöyi mi kada ma tönë do'de laja laka abo ziye ne, duwöwö dë nge ti lende 'ba kpeze tine ti tigo 'ba Nyi Koto Laka. Kina di'di dɔze gbï go laja laka nime ti dökï'di koto. Ikalike loma ze ma tönë doloma mi löngö ye ne di'di roze 'do tokonyi ye.

⁶ Mi kada naga nima yayi olomake gbï ro to'do mo kozo 'beze ma ti nɛre ze Yësu. Ö'böke ti'di

doye gɔ lende abo gomo kɛdɛ kɔdɔ pele roye ro mbɛmbɛ. Tine Nyi Koto Laka i'di ye ngi kolomake ro lɔŋɔ.

⁷ Gɔ kɔ'du mo na me ya ame ga pili mi Makedoniya ni ti Giriki ki'di dɔnni 'deni gɔ lende 'ba Yɛsu ne o'doko 'deni gbɛ 'dɔ tɛdi ti dɔki'di kɛddi kɔzɔ 'beye tara.

⁸ Lende 'be i'di bilaka ma konzi 'ba mi doyi naga nime 'deni kuwɔ dɔ lende 'ba nɛre ze Yɛsu. Bilaka pili uwɔ 'deni ma ki'dike doye gɔ lende 'ba Boko'ba. Wa moto inza kpe kulɔwɔ ma 'dɔ diya zinni gɔ lende 'be.

⁹ Lijɛ ɛdi 'deni ro tiya lende 'ba mi kada ma tɔnɛ dari dɔgba mi lɔngɔ ye ne ro gɔ rɔnni. Lijɛ ɛdi gbɛ ro tiya mo ma kolake gɔ akoro 'deni kilekike toja laja 'ba Boko'ba ma ti didi ame bo na nge koto kpoki 'dɔ bilaka koro ne.

¹⁰ Bilaka naga nime pili ɛdi gbɛ tiya mo ma kɛddike 'deni ndɔ toda dɔ tako 'ba Yɛsu kole 'ba Boko'ba ma bo kɛdi kako di mitɔɔ. Bo na Boko'ba ki'di 'deni kɛnyi kɔdɔ yaga di mi tɔlɛ. Kina me bo kɔmɔ ze 'deni di zi ya 'ba Boko'ba ame kɛdi kako dɔ bilaka ne.

2

Ndɔɔ 'Ba Pɔlo Di Tesalonika

¹ Lɔndɔ ze ga, ikalike 'deni lingere ze ma tɔnɛ dari dɔgba ziye bine ne ilikɔ dɛ ngi ro yawa.

² Ikalike kɔzi kasi ma tɔnɛ ko'dɔ zize di Pilipoyi kiti'ja ze kulɔwɔ gba kinza dari ziye yayi ne 'deni. Ne Boko'ba ame ro bo konɔ gɔze ne i'di tigo ngi zize diya laja laka abo ziye ro dɔ ngɔlɔ ya moto ga kɛdi kiya kpa pele roze.

³ Tönë dëdī toco mo ziye 'do ti'di dōye go lende 'ba Boko'ba ne lende ze pili ro ma laka kinza ama kënyë mōto yimo. Kina du'bōlu bōto dë gbī.

⁴ Boko'ba na kikala ze 'deni ro ma laka 'do diya laja laka abo zi bilaka. Kina me dëdī diya 'deni ko tara. Lende naga nime dinza diya tūyēyī dōkī'di bilaka timo rōze. Tine dëdī diya kōzo ma Boko'ba ko'doko zize 'do tiya mo. Bo na ro bo ame kēdī kiyōzo meri ze ga kikali gōmo gbī pili.

⁵ Ikalike 'deni tönë dëdī tiya laja laka 'ba Boko'ba ziye bine ne, diya kpa koŋmi dë 'do tu'bōlu ye timo. Kina Boko'ba ikali gbī dīndēndē ye dë 'do to'ja wa mōto di ziye.

⁶⁻⁷ Kōzo ame ze ro bo laja 'ba Kurīsītō ga ne, ma dëdī didēkī wa ra pele di ziye dēne inza gbī ro ma kënyë. Ne di'di ye, ala bilaka mōto ga dë 'do koro ze. Diliya rōze ŋgī ziye kōzo ma ame kēdī kilēlu do kole 'bēnī ga ne tara.

⁸ Dō'ō ye ŋgī ro do kiteli go kō'du mo na di'di gbagba ze 'deni gōye. Do'doko tiya laja laka 'ba Boko'ba ziye gbī togbo rōze ti tigo pili 'do tokonyi ye.

⁹ Löndō ze ga, diya lende nime rōmōyī omerike ndōbo ma do'do ti tende 'ba rōze 'deni. Mī kada ma dëdī ro tuwōwō laja laka 'ba Boko'ba ziye naga do'do ndōbo 'ba gbagba ze ti kōzize kote kada kote korōndo rōmōyī kinza dëdī ra ro kpaŋbiri ma löbu ziye.

¹⁰ Kpe 'beye ikalike 'deni ma do'do ye ro ma laka kpe ame ga ki'dike dōye go lende 'ba Yēsu ne, dirasi wa mōto dë gbī ziye. Boko'ba ikali lende nime gbī.

11 Römöyî ikalike 'deni ma do'do ye pili laka kɔzo 'bu ame kēdi ko'do kole 'ba gbagba bo ga rɔ ma laka ne tara.

12 Dö'bö nduwē rɔ toco mo ziye 'do ki'di kolomake ti mi kēddi kinza tikere. Kina dose 'deni gbī tönē ziye 'do koroke Boko'ba mi loma 'be ma mi doliŋɔ nime römöyî bo ti kidēki ye 'deni ŋgī rɔ 'ba bo ga mi kada ame bo kēdi kako 'deni kada mɔto rɔ ŋere ma löbu 'ba do wa pili ne.

13 Wa mɔto ma do'do yēē'di nduwē gbī rɔ mbēmbē zi Boko'ba gɔmo na me, römöyî mi kada ma tönē diya lende 'ba Boko'ba ziye uwōke ŋgī rɔ ma laka ki'dike doye gɔmo. I'dike doye ŋgī gɔmo dē ŋge kɔzo lende 'ba bilaka, ne tine ŋgī lipo rɔ lende 'ba Boko'ba mo bi mo. Rɔ ma laka lende 'ba Boko'ba na ŋgī, kpe ame ga ki'dike doye gɔmo ne i'di ye 'deni kēddike rɔ ma laka.

14 Löndö ze ga, ēddike 'deni gbī tombi gomɔ ti mi kēddi kɔzo 'ba bilaka 'ba kanisa 'ba Boko'ba ame ga mi doyayi 'ba Yudayi ne tara. Lijē 'deni rɔ 'ba Yēsu Kurisitö kina me Yudayi kēdi 'deni rɔ todo gomɔ rönni gbī kɔzo ma tönē bilaka 'ba doyayi 'be yayi koloma to'do mo ziye ne.

15 Yudayi tönē ga na, lijē bo kupö ŋere ze Yēsu gbī ti bo kumē lende 'ba Boko'ba ma molo naga, lijē na gbī tönē koga ze yaga di mi gawo mɔto ga. Wa ko'do 'bēnni ga i'di dōki'di Boko'ba 'deni kata rönni. Kina lijē kö'bö ŋgī rɔ ya ti bilaka pili.

16 Lijē oma tota ze di bi tiya lende ziye kpe ma kinzake rɔ Yudayi naga kinza kɔmo ye ra yaga di mi tölē. Kina me wa nime i'di ndi lende kēnyē 'bēnni ga 'deni ŋgī kēddi. Ma rɔ ŋburunburu mo tine ya 'ba Boko'ba ēdi 'deni dönni.

Meri 'Ba Pɔlo

¹⁷ Ne 'beze löndö ze ga, tönë ya mɔto ga ki'di ze dënyì mbowa yaga di mī löngö ye ne dëdì tomeri mo 'dɔ tileki tonɔo ye gbì. Dëdì nduwè rɔ topi rɔze 'dɔ tileki tari ziye yayi. Tine ame do'ja kinè ye dë pele ti kɔmɔze kö'du 'be ɔ'ɔ rɔze sowa.

¹⁸ Ze pili do'dɔko 'dɔ tileki tari ziye yayi. Ma Pɔlo mopi rɔma 'deni mī konzi 'dɔ tileki yayi tine Satani ola ze dë.

¹⁹ Do'dɔko 'dɔ tari tori ye römöyì bɔto mɔto inza ma kebe ye ti ti'di dökì'dì ze këddì rɔ lonɔ 'dɔ ki'di ze dëdì rɔ dɔ kombi gɔ ndɔbɔ ze kɔmɔ nɛre ze Yësu mī kada 'ba tileki abo kako dɔlinɔ nime bine.

²⁰ Kpe na ti këddike rɔ lëbì ma dɔ kiteli zize 'dɔ ki'di ze dëdì rɔ lonɔ.

3

¹ Kina ma rɔ nburunburu mo tine meri 'ba 'dɔ to'ja kinè ye na kupö ze 'deni ngì rɔ tupö. Gɔ kö'du mo na diya te ma laka mo zi Timatiyo 'dɔ kola ze kutu ze mī Ateniya bine,

² gɔ doja bo kari ziye yayi. Bo na rɔ löndö ze ame ko'dɔ ndɔbɔ 'ba tiya laja laka 'ba Kurisitö nime gbì bi kɔto tize. Do'dɔko 'dɔ bo kari kikäti ye ti'di dɔye gɔ lende 'ba Boko'ba ti mī këddì

³ kinza bɔto mɔto kileki ra yì'böwu di zi tikere 'ba gomɔ ame këdì ko'dɔ ye ne. Kpe gbì ikalike 'deni rɔ ma laka wa ma Boko'ba ko'dɔko di zize na ma 'dɔ dombike gomɔ ti mī këddì.

⁴ Tönë dëdì gba tiye yayi ne diya 'deni mɔlo ma 'dɔ dombike gomɔ mo kɔzo a nime te. Kina me kikalike 'deni këdì ko'dɔ rönì tara.

⁵ Gɔ kö'du 'ba meri 'be ame kupö ma 'deni ngi ro tupö ne na me moja Timatiyo 'do kari tonjo mo doo eddike ngi nduwë ti'di doye go lende 'ba Boko'ba. Ma ti meri mo bine motoga Satani ti kusus doye 'deni ki'di ndobo ze nime kilikö ro yawa.

Lɔŋɔ 'Ba Pɔlo

⁶ Ne kina me Timatiyo kileki kako di ziye dayi kiya te eddike nduwë ro ma kitigo mi meri 'be ti'di doye go lende 'ba nere Yësu gbï to'o roye ro go roye, ze 'deni ro lɔŋɔ ro mbëmbë go lende mo. Bo ako gbï kiya zize ma keddike nduwë ti mi këyi tomeri goze 'do to'ja kinë ze gbï kozo ame dedï timo bine ne tara.

⁷ Löndö ze ga, lende 'be ame keddike nduwë ro ma kitigo mi meri 'be ti'di doye go lende 'ba Yësu ne, i'di ze 'deni ngi ti mi keddï pele di mi gomɔ mbëmbë nime kedi ko'do ze ne.

⁸ Ame dikali 'deni kö'böke ro akoto ti nere ze Yësu ne lende mo ididi ze 'deni ngi ro ma laka.

⁹ Gɔ kö'du mo do'do yë'di ro mbëmbë zi Boko'ba go lende 'be. Bo i'di lɔŋɔ ma löbu ro do kiteli 'deni zize go lende 'be.

¹⁰ Dedi nduwë toma'jo roze zi bo kote kada kote korondo 'do bo ki'di ze to kpe do'ja kinë ye ti komoze. Kina gbï 'do diyandi ye ti wa ame ga kikalike de gba mi loma 'ba ti'di do go lende 'ba Yësu Kurisitö nime ne.

¹¹ 'Bu ze Boko'ba ti nere ze Yësu kokonyi ze to kpe tari ziye yayi.

¹² Nere ze Yësu ki'di akoto ma do kiteli abo kedi tiye to'o roye ro go roye gbï to'o bilaka pili nduwë ro mbëmbë kozo ame do'o ye ne tara.

¹³ Ɔɔɔ ako'ɔ ma ɔɔ kiteli kɛɔɔ 'deni tiye kɔɔɔ a nime te ti kɛɔɔɔke ɔɔɔ ti mɔ kɛɔɔɔ. Kina ti kɔɔɔke 'deni ɔɔɔ rɔ ma kɔɔɔ kinza lende kɛɔɔɔyɛ mɔɔɔ kɔɔɔ 'bu ze Bɔko'ba mɔ kada ma ɔɔɔere ze Yɛsu kɛɔɔɔ kileki 'deni kako ɔɔɔɔɔɔɔ nime ti ya ame ga rɔ 'ba bo ne.

4

Ako'dɔko 'Ba Bɔko'ba

¹ Lɔɔɔɔɔ ze ga, ɔɔ'dɔko tiya mo gbɔ ziye 'ɔɔ kɔ'bɔke to'ɔɔ wa ame ga Bɔko'ba ko'dɔko ne. Ze na tɔnɛ diyandi ye ti wa naga nima kina me kɛɔɔɔke 'deni rɔ to'ɔɔ mo. Ne ɔɔ'dɔko toɔɔ mo ziye ti kɔɔɔ kakpa 'ba ɔɔere ze Yɛsu to'ɔɔ mo rɔ ɔɔ kiteli.

² Ikalike ndose 'ba ɔɔere ze Yɛsu naga nime 'deni laka.

³ Wa ma Bɔko'ba ki'di kɔ'du mo 'ɔɔ ko'dɔke na rɔ lende laka abo kinza yɛri ko'ɔɔ.

⁴ Kpe bɔtɔni pili ziye tikali togbɔ ɔɔ yida rɔye ga mɔ kɔri mo ame rɔ ma koro zi Bɔko'ba ne.

⁵ Kinza ki'dike kɔ'du 'ba tɔ'dɔ ti rɔ dɛ koso ɔɔye kɔɔɔ 'ba ya ma kinza kikali Bɔko'ba dɛ naga.

⁶ Togbɔ ɔɔ yida rɔ kɔɔɔ a nime te na ti ki'di kolomake kinza ko'dɔke kɔɔɔ riyɔ zi lɔɔɔɔ ye ga ala gbɔ tirasi wa mɔɔɔ teyi go kɔ'du 'ba 'ja.

Tɔnɛ mɔlo bine diya 'deni yaga ziye kinza ko'dɔke lende kɛɔɔɔyɛ naga nime dɛ rɔmɔyɔ ya ame ga pili ko'ɔɔ ne Bɔko'ba ɛɔɔ kodɔ karama ɔɔmɔ.

⁷ Ma tɔnɛ bo kɔɔɔkɔ ye ti'di ɔɔye go lende abo ne bo ɔɔɔkɔ ye dɛ 'ɔɔ to'ɔɔ lende kɛɔɔɔyɛ ma kɔɔɔ

yëri ni. Tine lende laka abo na bo kïdëki ye to'do mo.

⁸ Ya ame ga kilagi lende ze nime ne lende 'ba bilaka lesi na dë lijë këdi kilagi, lende 'ba Boko'ba ame ki'di Nyi Koto Laka 'bëni ziye ne na.

⁹ Tine gɔ lende 'be wa mɔto inza kpe ma 'do diya ziye gɔ lende 'ba tɔ'ɔ rɔye rɔ gɔ rɔye römöyi Boko'ba na kiyandi ye 'deni to'do mo.

¹⁰ Kina me këddike 'deni rɔ tɔ'ɔ bilaka 'ba kanisa ame ga pili mi dɔyayi 'ba Makedoniya yayi ne. Ne pele dëdi doco 'deni nduwë ziye 'do kɔ'oke lijë rɔ do kiteli.

¹¹ Diya 'deni gbï tönë ziye 'do kogboke rɔye laka toloma le kinza to'do go'de'de mi lende 'ba ya mɔto ga. O'doke ndobo 'be ga ti köziye kɔzo ma tönë diya molo ziye ne

¹² kinza këddike ra rɔ bo gɔ közi ya mɔto ga. Ma te na ti ki'di ya ma kinza ki'di dönni gɔ lende 'ba Yësu naga kiya ye 'jaa rɔ bilaka ma laka.

Tölë

¹³ Löndö ze ga, do'doko tiya ame ziye gɔ lende 'ba ya ame ga kölë 'deni ne. Do'doko ziye tikali mo rɔ ma kodoro gɔ kö'du 'bënni kinza kuduke ra kulöwö kɔzo 'ba ya ma kinza ki'di dönni gɔ tɔdo 'ba töku yaga di mi tölë naga.

¹⁴ Ne ze 'beze ma ze tiye dikalike Yësu ölä 'deni kënyi 'böwu kɔdo yaga di mi tölë. Kina gɔ di dike dɔze gbï gomo tara kada mɔto Boko'ba ëdi ki'di ya ma ki'di dönni gɔ lende 'ba Yësu lijë kölä 'deni naga kɔdo di mi tölë kari koloma ti Yësu.

¹⁵ Wa nime dëdi diyandi ye timo ne, lende ma nere ze Yësu kiya na. Mi kada ma bo këdi kileki kako dolinɔ bine ze ame ga gba ti komoze ne

dinza darike titi dɔgba zi bo di zi ya ame ga kölë 'deni mɔlo ne.

¹⁶ Mî kada mo nima ti duwöke birɔ tapi 'ba Boko'ba ti birɔ 'ba mugu 'ba bo ma rɔ löbu 'ba dɔ malayika gbî ti tudu 'ba tɔtɔti 'ba Boko'ba. Tine na nɛre Yësu ti kako bërî di mîtorɔ. Kina dɔgba mo tine ya ma ki'di dönñi gɔ lende abo ame ga kölë 'deni ne ti kɔdɔ yaga di mî tölë.

¹⁷ Kina Boko'ba ti kogba ze ya ame ga gba ti kɔmɔze ne 'deni kodɔ'bo tinnî tari mî pɔli tɔrɔ turë dɔ nɛre Yësu mî löngö mîtorɔ ni ti dɔyayi. Di yayi tine na ti dolomake nɔburu ti bo.

¹⁸ Kina me lende nime mo'dɔkɔ ziye 'dɔ kotoke nduwë tiya mo rɔ gɔ rɔye 'dɔ ki'di dökî'di keddî ziye.

5

Loma Ti Bi Koda

¹ Löndö ze ga, wa mɔtɔ inza kpe ma 'dɔ diya ziye gɔ lende 'ba kada ma wa naga nime kedi ko'dɔ rönñi yimo,

² römöyî kpe gbî ikalike 'deni botɔ mɔtɔ inza kikali kada ma nɛre Yësu kedi kileki kako timo dɔlinɔ nime bine. Kada mo edi kômö ngî tugu'du kɔzɔ tako 'ba bo 'böğö rɔ mî korɔndɔ naga tara.

³ Dɔdɔ bilaka kiya te, “Gɔ bi pili edi laka,” tęgë me tondo te yɔ na kada 'ba gomɔ ma löbu ku'du rönî ngî zinnî kɔzɔ mî kɔ'ɔ 'ba löyö ame kedi kômö dɔ 'ja ne tara. Tine botɔ mɔtɔ inza kokpe di mî gomɔ nima.

⁴ Ne kpe 'beye löndö ze ga, inzake mî bi kölu kina tako 'ba nɛre Yësu inza kiyere ye ngî kɔzɔ tako 'ba bo 'böğö naga tara.

⁵ Kpe pili rɔ bilaka ma kēdī ko'do wa yaga mī kada. Ze 'beze ma tiye nime dinzake kpe rɔ 'ba bi kōlu.

⁶ Gɔ kō'du mo kinza dō'bōke dē nduwē tō'dō kɔzɔ 'ba ya ma laki. Zize tēdī rɔ ma koŋgɔ bi togbɔ dɔ yida rɔze ga.

⁷ Mī korɔndɔ na bilaka kēdī kō'dō, kina mī korɔndɔ na gbī bilaka kēdī kitiri rōnnī ti layi ŋbō kupō wa.

⁸ Ne ze 'beze 'deni rɔ bɔ to'do wa yaga mī kada kina gɔ dogbɔke dɔ yida rɔze ti. Zize gɔ dō'bōke ti'di dɔze gɔ lende 'ba Boko'ba ti tɔ'ɔ lēpī ze ga 'do dēdīke ti wa 'ba titata yida rɔze timo di zi kɔmo 'ba Satani. Dō'bōke gbī ti'di dɔze gɔmo ma Yēsu kēdī kɔmo ze di mī tōlē 'do dēdīke ti wa 'ba titata dɔze timo di zi kɔmo 'ba Satani.

⁹ Rōmōyī Boko'ba igeli ze dē 'do todɔ karama dɔze. Tine bo igeli ze 'do ki'di ŋere ze Yēsu Kurisitō kɔmo ze di mī tōlē.

¹⁰ Kina me Yēsu kōlē 'deni tokɔnyi ze 'do mī kada ma bo kēdī kako yīmo nima ɔdɔ dēdīke gba ti kɔmɔze ala dōlēke 'deni pele gɔ dēdīke ti dīdī ma ŋburuŋburu kɔtɔ ti bo.

¹¹ Kina me lende nime otoke nduwē tiya mo rɔ gɔ rɔye 'do kɔkɔ mī kēddī ziye kɔzɔ ame kēddīke rɔ to'do mo ne.

Ndose Ma Nburuŋburu

¹² Diya ame ziye lōndō ze ga, oroke ya ame ga kēdī ko'do ndɔbɔ 'ba Boko'ba mī lōngō ye ne. Nere Yēsu na ki'di lījē 'deni 'do tonɔgɔ gɔye gbī tiyandi ye.

13 Gɔ kɔ'du mo 'dɔ kɔ'ɔke, koroke lijɛ gbɪ rɔ mbɛmbɛ gɔ ndɔbɔ ma lijɛ kɛdɪ kɔ'dɔ nima. Kina gɔ kolomake ti, ti mɪ kɛyɪ rɔ gɔ rɔye.

14 Kina ame gbɪ ziye lɔndɔ ze ga, ziye 'dɔ tamo dɔ ya ma tɪkɛpɪ naga. Oɔke ya ma dɔkɪ'dɪ kɔkɔbɔ naga gɔ kɛdɪ ti mɪ kɛddɪ. Okɔnyike ya ma korɔ'bo naga kina 'dɔ kɛddike ti kɔmɔ kele dɔ bilaka pili.

15 Kinza kebeke dɛ tileki dɔ lende kɛnyɛ ti lende kɛnyɛ. Tine i'dike rɔye to'dɔ lende laka rɔ gɔ rɔye gbɪ zi bilaka pili.

16 Ziye tɔ'bo rɔ lɔŋɔ

17 ti mɔtu kɔ'dɔ zi Bɔko'ba

18 kina 'dɔ kɔ'boke to'dɔ yɛɛ'dɪ nduwɛ zi bo mɪ kada 'ba wa pili. Ame na rɔ wa ma Bɔko'ba kɔ'dɔkɔ ziye 'dɔ to'dɔ mo rɔmɔyɪ kpe 'deni rɔ akɔtɔ ti Yɛsu Kurɪsɪtɔ.

19 Kinza kilagike tuwɔ wa ame ga Nyɪ Kɔtɔ Laka kɛdɪ kiya ziye ne dɛ.

20 Kinza kudɔlike kɔ'du 'ba bɔ kumɛ lende dɛ gbɪ,

21 tine iyɔzɔke pili kina 'dɔ koroke ma laka mo ga ame rɔ 'ba Bɔko'ba ne

22 tine gɔ kilagike ma kɛnyɛ mo ga pili yaga.

23 Bɔko'ba na kɛdɪ ki'di ze pili toloma ti mɪ kɛyɪ. Bo ki'di ye nduwɛ to'dɔ lende laka abo 'dɔ ɔdɔ nɛre ze Yɛsu Kurɪsɪtɔ kɛdɪ kileki 'deni kako dɔlɪŋɔ nime 'dɔ kɔrɔke kɔmɔ bo rɔ ma kɔpɔ kinza wa ma kɛnyɛ mɔtɔ du te mɪ loma 'be.

24 Bɔko'ba na kɪdɛkɪ ye 'deni bo ti kɔ'dɔ wa naga nime gbɪ pili ziye rɔmɔyɪ bo ɛdɪ nduwɛ kɔ'dɔ wa ame ga bo kiya to'dɔ mo ne.

25 Ititike Bɔko'ba gbɪ gɔze, lɔndɔ ze ga.

²⁶ Umötöke löndö ma yayi naga nima pili ti közi riyö mi möyi Boko'ba.

²⁷ Mi'di kö'du mo ziye ti közi kakpa 'ba nere Yësu tidëki waraga nime zi bilaka 'ba kanisa pili.

²⁸ Lende këyi 'ba nere ze Yësu Kurisitö koloma tiye.

Jur Mödö
Jur Modo: Ndose Kodo Laka, Buku 'ba Tisaki ni Tодо
to Lömu La'ja 'Ba Yösu Kurisito Nere Ze New
Testament+

copyright © 1998 Wycliffe Bible Translators, Inc.

Language: Jur Mödö

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source
files dated 26 Apr 2025

4cdbc69b-5207-55d8-8df2-e743cba8dc07